

Presentación

Un ano máis, a Asociación Os Galos volve a estar con vós, tentando reflectir o traballo a prol da recuperación do noso patrimonio marítimo, convertendo agora as singraduras marítimas en verbas impresas que deixen constancia do noso esforzo asociativo. Os eixos sobre os que desde hai anos se asenta esta publicación son o coñecemento e divulgación dos temas marítimos en xeral e os aspectos históricos, sociolóxicos, económicos e culturais da vila de Bueu. Isto, que aparentemente semella ser limitado a unha área, trascende cada ano os límites do noso concello grazas ao seu espallamento a través dos Encontros e da súa presenza nos ámbitos da cultura e da investigación, chegando a asociacións do mar, arquivos e bibliotecas aos que, sen dúbida, vai contribuir co seu legado.

A vila de Bueu e as suas parroquias, como entidades ligadas ao mar, teñen moita historia, persoeiros relevantes e avatares colectivos e persoais de todo tipo, dignos de seren contados. Neste labor, como sempre, contamos co noso equipo de redactores, colaboradores incansables que con ávida pluma, unha dose de agarimo e sempre con rigor e esmero, danlle forma e imaxe aos artigos de investigación, aos poemas, ás artes plásticas...

Ademáis da pesca e do marisqueo, hai algo que, por desgraza, une a todas as vilas mariñeiras que viven do mar como son os accidentes e naufraxios: un tributo de vidas humanas que desde antigo vén demandando o mar. Estes feitos, que perduran no tempo, aínda seguen a repetirse hoxe e chégannos ao máis fondo do corazón, sen depender de que se dean en Bueu, en Vigo, Baiona, Redondela, Fisterra, A Mariña.... ou nos Azores, últimamente.

E por iso que desde aquí tamén nos solidarizamos coas demandas dos familiares dos naufraxios que se dan na baixura ou en altamar, xa sexa nas Malvinas, nas Seychelles, en Terranova como aconteceu co Pitaxo, ou en calquera océano da Terra pois aí andamos tamén os galegos. Unhas veces corpos e barcos van ao fondo e outras son arrastrados ata as praias... pero sempre foi e será importante saber onde e cómo acaban.

Por outra banda, cabe lembrar que contamos xa cun grande patrimonio material construído, recuperado ou rehabilitado, tamén de-



sinteresadamente, por membros da Asociación Os Galos e que suma máis dunha ducia de embarcacións recuperadas e postas en valor como a traiñeira "Pescadoira"; dous botes polbeiros pequenos de 4 metros de eslora, o "Lagoas" e o "Rebello"; un bote polbeiro de 5 metros, o "Vila de Bueu", construído polos Ga-

los nas instalacións da Asociación en Pescadoira, dirixidos polo mestre carpinteiro de ribeira *Purro*; o bote xeiteiro "Os Galos"; a dornai "Banda do Río"; a dorna de tope "Roiba"; a dorna "Robaleira"; a dorna de tope, en fase de construción, "Mareira"; o bote a motor "José Primero", ademais dun choupan e varias game-las...

Algúns deste exemplares están expostos en lugares concretos do concello e outros dispostos no peirao de Bueu (frente ao museo Massó) para seren utilizados sempre cun socio patrón ou responsable das embarcacións e membro da Asociación a bordo.

Para todos os que vivimos por, con e do mar, vaia o noso mellor desexo:

Bos ventos para todos.



Pescadoira, Peirao de Attilio. Foto de Otto Wunderlich 1930

Dirección: Ana Gil

Redacción:

Arturo Sánchez Cidrás

Celestino Pardellas de Blas

Gonzalo Pérez Barreiro

Humberto V. Santiago Esperón

Isidro Cortizo del Río

Gonzalo Pérez Barreiro

Lino J. Pazos

Luis Davila

Lucía Novas

Raúl Villa Caro

Salvador Rodríguez

Xaime Toxo

Xerardo Dasairas Valsa

Maquetación: O´Xedas

Impresión: DC Artes Gráficas

D. L. PO-459/2006

Edita:

Asociación “Os Galos”. Bueu

INDICE

	Páx.
Apoio do Concello de Bueu ao Lazareto de Tambo.....	3
Humor gráfico O Bichero.	6
Insubmisión ao pagamento das rendas.....	7
Pacto co Diaño.....	13
Que non morra a dorna!.....	15
Gonzalo Viana.....	19
Poema: Viaxando.....	22
Conxeladores e rampleiros.....	23
Naufraxio da Sta. M ^a Magdalena.....	29
Museo da construción naval do Ferrol.....	32
Bosques flotantes: As devesas da Armada	33
Calafateiros: Un oficio extinto.....	41
Humor gráfico O Bichero.....	42
Os fondos mariños de Bueu.....	43
Poema: En estado de esperanza.....	45
Miscelánea.....	48
O Temporal.....	49
Actividades de “Os Galos”.....	52
Efemérede.....	54
Barcos de papel.....	55